

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

In festo die visitationis Mariæ.

Evangelium Luc. i. v. 39. --- 56.

EXORDIUM.

Regum sapientissimus Salomo, habuit olim frequentissimum Gynæcum: fuerunt enim ei uxores quasi Principissæ, septingentæ, & concubinas trecentas, 1. Reg. ii. v. 3.

Hac in re Salomo æquitatis lineas transcendit: Deus enim præceperat Regi, ne haberet uxores plurimas, nec recederet cor ejus, Deut. 17. v. 17. Sed minus ille id observavit: verum ubi fœmellam elegantiam formâ vidit, assunxit sibi, dum septingentas Principissas, & concubinas trecentas comparaverit.

Posito vero, non plures in universum ei uxores fuisse, quam centum & quadraginta, reliquas vero Gynæcum tantum implevisse, & ministerio aulico inserviisse, quemadmodum adhuc hodie Imperatores & Reges Gynæca instruictissima habent, quod nonnulli inde colligere volunt, quia scriptum est: *Sexaginta sunt Reginae, & octoginta concubinae, & virginum non est numerus;* Cant. 6. v. 7. attamen & hac in parte modum excessisset, nec excusari posset. Ideoq; Siracide tale judicium fert, quod gloriae suæ maculam inusserit, Sir. 47. v. 21.

Verum ad cœlestem Salomonem, Dominum & Servatorem nostrum Jesum Christum optimè applicari potest, is feracissimum habet Gynæcum, in ecclesiâ in his terris, ad hoc pertinet, obediens Sara, 1. Pet. 3. v. 6. humana Rebecca, Gen. 26. v. 9. Fidelis Rahel, Gen. 32. v. 14. seqq. devota Miriam,

Exod. 15. v. 20. Diligens Ruth, Ruth. 2. v. 2. Benefica Sunamitis, 2. Reg. 4. v. 9. sapiens Abigail, 1. Sam. 25. v. 3. modesta Esther, Esth. 2. v. 7. heroina Judith, Judith. 8. v. 18. Confitans Maccabæa, 2. Maccab. 7. v. 20. in fide firmissima Cananæa, Matth. 25. v. 28. pia Lazari sorores, Maria & Martha, Luc. 10. v. 39. & quæ harum vestigiis insistunt, quorum cultus non extrinsecus, in plicatura capillorum, 1. Petr. 3. v. 3. seqq.

Vcluti autem Salomo sexaginta Reginas & octoginta concubinas aluit, & tamen ait: *Una est columba mea, perfecta mea,* Cant. 6. v. 7. 8. Ita virgo Maria meritò prærogativam habet, quia apud Deum gratiam inventit, & præ omnibus Regis & principibus virginibus in Iudæa, mater Messiae electa est. Ideo ait in Magnificat suo: *Respxit Deus humilitatem ancilla sua, ecce enim ex hoc beatam me dicent omnes generationes &c.* sicut & Elisabeth initium fecit, ad eam dicens: *Benedicta tu es inter mulieres, & bendictus fructus ventris tui.* Et iterum: *Beata es, que credidisti: quoniam perficiuntur, quae dicta sunt tibi a Domino.*

Verum hinc nondum sequitur, quod di-
vino cultu & veneratione illa prolequenda
sit, sicut in Papatu fit: quo fine & fe-
stum hoc primitus institutum est: Hac
enim nefanda idolatria est. Nos potius in
ecclesiis. A. C. in Christi gloriamfe-
stum

stum hoc celebamus, qui hodie quasi primam suam *Epiphaniam* in utero matris celebravit, ubi tanquam vera lux mundi, matrem suam beatissimam, Patruum Joannem, & cognatam Elisabetham illuminavit, ut omnes repleti Spiritu sancto fuerint, & *Elisabeth gratulando, Johannes saltando, & Maria cantando* id publicè ostenderint. Neque tamen B. Virginis Mariz planè obliviscimur, sed commendamus virtutes ejus, eamq; aliis in Exemplum proponimus. Id majori illi gloria est, quam si in Papatu ad parietes picta, vel in processione circumlata divino cultu & veneratione afficiatur, & filio Servatori anteponatur, hoc enim et tantum debetur, qui dicit: Ego Jehova, *Esa. 42. v. 8.*

Nos adipsum Evangelium transibimus, tractatur ex eodem:

I. Α Θεωπολιταρ, sive notitiam nostri.

II. Χριστωνια, sive notitiam Christi.

J.J.

Exegesis.

IN prælecto Evangelio proponuntur nobis *dua præcipua fæminei sexus persona*, V. & N. T. quas Deus ipse tanti fecit, ut easdem per Archangelum Gabriel inviserit, ut supra communem naturæ cursum Iætas puereras & templo Spiritus sancti fecerit. Utraque enim prægnans est: altera sub corde portat benedictum illud mulieris semen, contritum caput serpentis, *Genes. 3. v. 5.* altera præcursorum Messiae, Johannem Baptistam, cui Christus ipse postea testimonium perhibet, quod inter nos mulierum major non sit, *Matth. 11. v. 11.*

Ideo conventum hunc non parvi perdere, sed cogitare debemus, quod Spiritus sanctus hanc historiam in totius generis humani, præcipiù verò coram mundo quidem despectarum, at piarum matronarum honorem consignari fecerit: ut hic recordari debcant, quod divina Majestas eas non abjecere, sed omnitempore commendatissimas sibi habere velit, non enim apud ipsum masculorum aut feminarum est respectus, *Gal. 3. v. 28.* sed qui timet eum, & operatur justitiam, acceptus est ei, *Act. 10. vers. 35.*

Ad notitiam nostri hic deducemur, si spectemus:

I. *Maria peregrinationem.* Exurgens enim Maria in diebus illis, abiit in montana, cum festinatione, in civitatem Juda.

Alias in proverbio dicitur, quod virgines peregrinantes non magni astimandæ veniant, facile enim sibilabecula aliquam adsperrere possunt, ut exemplum Dinæ probat, *Gen. 34. v. 2.*

Verum B. Maria prægnantes suas itineribus suscepit causas habet, cui se accingit, non ex curiositate, sed ut fidem suam roboraret, ex exemplo agnata senioris Elisabethæ, de qua Angelus dixerat, quod & ipsa conceperit filium in senectute suâ, quartamen hactenus fuerit sterilis, ita ut naturaliter nulla proles ab ipsa speranda esset: Hinc incitata Maria iter hoc suscepit. Utrumque enim supra naturam erat, & quod ipsa sine viri congressu filium concipere & parere: & Elisabetha grida esse deberet, quæ ab omnibus hactenus sterilis habita fuerat. Hinc censemus, si hoc ita esset, se facilius credituram esse, in se quoque perfectum iri, quæ dicta sibi escent